

TALKING POINT
BRIG. JENERAL DATO' PROF DR. KAMARUDIN HUSSIN
NAIB CANSOLOR UNIVERSITI MALAYSIA PERLIS SEMPENA
MAJLIS MAKAN MALAM SUKUM 2011
PADA 25 JULAI 2011,
DI OCEAN GLOW, PUTRA BRASMANA, KUALA PERLIS

Bismillah Hirrahan Nirrahim

SALUTATION :

Yang Berbahagia Prof. Dr. Zul Azhar Zahid Jamal, Timbalan Naib Canselor UniMAP (Akademik Dan Antarabangsa),

Yang Berbahagia Prof. Dr. Ismail Daut, Timbalan Naib Canselor UniMAP (Penyelidikan Dan Inovasi),

Yang Berusaha Puan Saodah Hassan, Bendahari UniMAP,

Yang Berusaha Puan Mazmin Mat Akhir, Pustakawan Kanan UniMAP

Dekan - Dekan Dan Ketua-Ketua Jabatan UniMAP

Barisan atlit-atlit UniMAP ke Kejohanan Sukan Staf Antara Universiti-Universiti Malaysia (SUKUM) kali ke-36 seterusnya warga Universiti Malaysia Perlis yang diraikan sekalian.

Assalamualaikum Warahmatullahi Wabarakatuh dan Salam Satu Malaysia.

Alhamdulillah, syukur saya panjatkan ke hadhrat Allah SWT kerana dengan izin dan limpah rahmatNya, dapat kita sama-sama berkumpul pada malam ini dalam meraikan para atlet dan pengurusan yang memberikan komitmen penuh sewaktu Sukan Staf Antara Universiti-universiti Malaysia (SUKUM) 2011 yang telah berlangsung di Universiti Teknikal Malaysia Melaka (UTeM) pada 8 hingga 17 Julai baru-baru ini.

Sesungguhnya, pencapaian yang diraih oleh barisan atlit-atlit UniMAP ini amat membanggakan saya. Sehingga hari ini, kita masih kekal sebagai kuasa besar sukan di kalangan staf IPTA dan saya amat berharap ianya mampu diteruskan lagi di masa-masa akan datang.

Cuma terdapat beberapa aspek yang perlu ditingkatkan lagi untuk memastikan kita mampu meraih kejayaan yang lebih cemerlang. Sebagai contoh, pasukan bola tampar (wanita) UniMAP seringkali berjaya melangkah ke pusingan akhir, namun hanya mampu menamatkan saingan dengan kilauan perak sahaja.

Justeru, saya amat mengharapkan, En Afizal Abu Othman selaku Pengarah Pusat Sukan dapat mencari mekanisme baru untuk memastikan kita mampu menukar kilauan pingat kepada pingat emas sekali gus menewaskan musuh tradisi iaitu Universiti Malaysia Sabah (UMS).

Hadirin dan hadirat sekalian,

Semalam saya telah mendapat perkhabaran gembira apabila dua kakitangan kita iaitu Mohd Faiz Musa dan Mohd Robani Hassan telah berjaya menempah tiket ke Kejohanan Sukan SEA yang akan berlangsung di Indonesia, November ini.

Lebih membanggakan apabila, Mohd. Faiz yang merupakan pemenang pingat perak di Sukan SEA Laos dua tahun lalu, telah berjaya mencatat rekod baru kebangsaan sekaligus memecahkan rekod yang bertahan selama sebelas tahun dalam acara Snatch dengan angkatan 145kg dan Clean And Jerk 191kg bagi kategori 94kg. Inilah sebenarnya yang saya harapkan.

Barisan atlit-atlit UniMAP sewajarnya tidak hanya berpuas hati apabila mampu menyumbangkan pingat pada Kejohanan Sukan Staf, sebaliknya anda boleh berusaha lebih tinggi lagi untuk menyumbang kepada negara pula.

Marilah kita sama-sama berdoa semoga pencapaian Mohd. Faiz akan diteruskan lagi di Indonesia nanti dan semoga hasrat beliau untuk mencatatkan rekod baru dalam acara Snatch akan dapat tercapai. Saya juga mendoakan semoga Mohd. Robani dan Mohd. Faiz dapat menyumbangkan pingat kepada kontinjen negara kelak. Insya Allah.

Hadirin dan hadirat sekalian,

Kejayaan Pasukan Staf kita sebenarnya bermula dengan kejayaan di Kejohanan Sukan Badan Berkanun Edisi Ke -7,(SUKANUN

VII),2011 yang telah diadakan pada 08 hingga 14 Mei 2011 dimana pada tahun ini, Universiti Malaysia Terengganu (UMT) telah dipilih sebagai penganjur dan UniMAP berjaya meraih dua pingat emas, dua perak dan 1 gangsa. UniMAP juga telah mendapat tempat Ke – 5 keseluruhan daripada 70 pasukan yang bertanding.

Seterusnya pasukan Golf kita telah memenangi acara GROSS dan dinobatkan sebagai JOHAN BERPASUKAN GROSS dalam Kejohanan Golf IPTA Antara Universiti-Universiti Malaysia Kali Ke-38, 2011 yang telah berlangsung pada 2 & 3 Julai 2011 bertempat di UTM Skudai, Johor.

Untuk para atlit, malam ini malam anda, malam untuk meraikan kegemilangan selepas berusaha sehabis daya untuk menghadihkan pingat kepada pasukan masing-masing. Tidak ketinggalan, malam ini juga dianjurkan khusus untuk menghargai usaha dan penat lelah barisan sekretariat dalam memastikan pasukan UniMAP terus memperoleh kejayaan.

Juga, tidak dilupakan, pengurusan kontinjen terutama ketua kontinjen dan pengurus pasukan yang berjaya menjalinkan kerjasama erat antara semua pihak dalam memeriahkan kejohanan.

Sesungguhnya, hanya ini yang mampu saya selaku Pengurusan Tertinggi UniMAP hadiahkan untuk menghargai kalian semua.

Sekian,

Wassalamualaikum warahmatullahi wabaraktuh.